

## Aple Rēitava

Lažēnous, ka pru Rēitava  
Esat kuožnas pravažiavēs:  
Ar kon pērkēs, ar pardavēs,  
Kon pavuogēs, ar apgavēs.

Je kas bovuot pasēlēkēs, –  
Bovuot i muni sotēkēs,  
Vo Ivinski i Oginski  
Musiek omžēs prēsēminsta!

Rēitavē be juokē varga  
Gal paslonkiuotē puo parka,  
Katramē, kap tēn babūtom,  
Daug nodžiūva žaliu rūtu!

Če triūbačē pagal taktus  
Pot, ka akēs lēp ēš kaktas,  
Pot, ka klausončiuju kuojēs,  
Pačēs tūpčiuo i kēlnuojas.

Aš Rēitava garsint nuoru,  
Jug jums būtom napaduoru –  
Geront kava a kakava –  
Nežēnuot aple Rēitava!